




Broj: 03/04-02-1-384/24
Sarajevo, 15.4.2024. godine
(MD-LSH)

BOSNA I HERCEGOVINA
MINISTARSTVO PRAVDE
SARAJEVO



Predmet: Nacrt Zakona o izmjenama i dopunama Izbornog zakona Bosne i Hercegovine

Veza: Vaš akt broj: 09-02-2912/24 od 26.3.2024. godine

Vašim aktom broj i datum veze, Uredu za zakonodavstvo Savjeta ministara Bosne i Hercegovine dostavili ste Nacrt Zakona o izmjenama i dopunama Izbornog zakona Bosne i Hercegovine, radi davanja mišljenja.

S tim u vezi ukazujemo na sljedeće:

- prema tački 2. Odluke visokog predstavnika kojom se donosi Zakon o izmjenama i dopunama Izbornog zakona Bosne i Hercegovine („Službeni glasnik BiH“, broj 24/24), Zakon o izmjenama i dopunama Izbornog zakona Bosne i Hercegovine, koji čini sastavni dio predmetne odluke, stupa na snagu na način predviđen članom 114. navedenog zakona, na privremenoj osnovi, sve dok ga Parlamentarna skupština Bosne i Hercegovine ne usvoji u istom obliku, ili dok ga Parlamentarna skupština Bosne i Hercegovine ne usvoji uz izmjene i dopune;
- prema članu 114. st. (1) i (2) Zakon o izmjenama i dopunama Izbornog zakona Bosne i Hercegovine („Službeni glasnik BiH“, broj 24/24), predmetni zakon stupa na snagu osmog dana od dana objavljivanja na službenoj internet stranici Ureda visokog predstavnika, ili prvog dana od dana objavljivanja u "Službenom glasniku Bosne i Hercegovine", koji god od tih dana nastupi ranije. Izuzetno od navedene odredbe, članovi 76. do 81., članovi 84. do 105. i članovi 111. i 112. ovog zakona će stupiti na snagu 19. aprila 2024. godine, pod uslovom da Parlamentarna skupština Bosne i Hercegovine ne usvoji izmjene i dopune Izbornog zakona BiH;
- obzirm na navedeno, a posebno činjenicu da dostavljeni Nacrt Zakona o izmjenama i dopunama Izbornog zakona Bosne i Hercegovine velikim dijelom reguliše ista ili slična pitanja koja su već propisana Zakonom o izmjenama i dopunama Izbornog zakona Bosne i Hercegovine („Službeni glasnik BiH“, broj 24/24), što dovodi do neusklađenosti između istih kako u pogledu sadržaja tako i u pogledu nomotehnike, Ured za zakonodavstvo nije umogućnosti da se očituje o dostavljenom Nacrtu Zakona o izmjenama i dopunama Izbornog zakona Bosne i Hercegovine bez

predhodnog usaglašavanja sa Zakonom o izmjenama i dopunama Izbornog zakona Bosne i Hercegovine („Službeni glasnik BiH“, broj 24/24);

- pored toga, napominjemo da Izborni zakon Bosne i Hercegovine do sada ima 25 izmjena i dopuna, što u velikoj mjeri otežava njegovu primjenu i razumjevanje ne samo običnom nego i stručnom korisniku, te s tim u vezi ukazujemo na odredbu člana 54a. Jedinstvenih pravila za izradu pravnih propisa u institucijama Bosne i Hercegovine („Službeni glasnik BiH“, br. 11/05, 58/14, 60/14, 50/17, 70/17 i 10/21), kojom je propisano obaveza novelacije teksta propisa koji su usvojeni i objavljeni prije stupanja na snagu Jedinstvenih pravila za izradu pravnih propisa u institucijama Bosne i Hercegovine;
- takođe, Ured za zakonodavstvo skreće pažnju na odredbe člana 46. st. (3) i (4) Jedinstvenih pravila za izradu pravnih propisa u institucijama Bosne i Hercegovine, kojima je propisano **da je potrebno pristupiti donošenju novog propisa ako je više od polovine članova važećeg propisa već izmijenjeno, odnosno dopunjeno, ili se predlaže izmjena, odnosno dopuna jedne trećine propisa. Nakon treće izmjene, odnosno dopune propisa, potrebno je pristupiti donošenju novog propisa.**

Imajući u vidu sve navedeno, sugerišemo da pripremite Nacrt Zakona o izmjenama i dopunama Izbornog zakona Bosne i Hercegovine usklađen sa Izbornim zakonom Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24) ili da pripremite Nacrt Izbornog zakona Bosne i Hercegovine i dostavite na mišljenje Uredu za zakonodavstvo.



DIREKTOR

mr. Džemail Čibo

Dostaviti:

-Naslovu

-a/a